

फिलिप्पीला तेपा कितुपतिवाला पावलकी टिबु यिकी

दी थेपकी कोर्ला

दी यिकी ति पावलकी फिलिप्पी ग्येसाकी चर्चला तङ्गुप यिन। फिलिप्पी ति माकेडोनिया सिरुप गोमी लुड्बाकी ग्येसा च्यिक यिनोक। दी यिकी टिकुप पेला पावल चोन्खाडला शोर्नोक। माड्शोक ख्रीष्टियानतिवी पावलकी तेन्दोकला लानी दुक्पा बिन्नोक। ती पेला फिलिप्पीकी चर्चला लेन मेटेड्बु ख्याप्टाक कितुपतिवा साड नोक। ती तप्की पावलला छासे पप लानोक। यिन्सिनाड पावलला गा नोक। ती ति तीकी ख्रीष्टला नरी तेपा क्यावु तप्की यिन।

पावलकी दी यिकी टिकुप खक्छयेबु तेन्दोक ति फिलिप्पीकी ख्रीष्टियानतिवाला थुच्छे सिरुपला यिन। च्यिलासिसिन तिवी पावलला कतुकार ख्येलुप पेला बुल्वातिवा कल ताड्नोक। ती कोकापला पावलकी खोरुडला ख्येलुप दुक्पा ताड तिवाला ख्येलुप दुक्पाकी पेला तिवाला डाडेड ताड रेवा तेरुपला दी यिकी ति टिबु यिन। पावलकी तिवाला खुरुडला तिराड नासाम तड्नी डराड यिन सिरुप मिजी माक्याड्नी येशूकी दौंके कुसु ज्यम्बु वोतुप किताड नालु लोप्शी सिनी टोड्गु तेर्किवी। ख्रीष्टला वोतुपतिवी मिजी ति कोन्छ्योककी कटिन यिन। ती कटिन ति तिवी यहूदी ठिमकी लुक्सुतिवा तेन्नी थोपुप मिन, यिने तिवी क्यावु तेपा नेसुर थोपुप यिन सिनी तिवाला टेन्सो लोड्गवी। येलुड पावलकी तिवाला ख्रीष्टला तेपा क्यानी मिजी क्योड्गुपतिवाला कोन्छ्योककी गा ताड लोदिमु नड्गवी सिनी टि वे।

दी यिकीला ख्रीष्टियानकी तेपा ताड तिवी मिजीला ड्येतुप गा ताड सेम थिन्दुप ताड लाका क्या क्यावा देतुप कोर्ला सिक्यावु तप्की यम्बा यिकी सिनाड कुतुक थोड्गवी। दी यिकीला ल्हासिन फिलिप्पीकी चर्चला पावलकी चो डियड्ज्ये किनोक सिरुप ति हावकोकिवी।

मुला राड वोतुप लोच्येनतिवा

- पावलकी डोशी १:१-११
- पावलकी छेटाड १:१२-२६
- ख्रीष्टला वोतुप मिजी १:२७-२:१८
- तिमोथी ताड इपाफ्रोडिटसकी थोकला नोवा २:१६-३०
- तेन्दोकला लङ्गुपतिवा नेसुर झोकुपला टोङ्गु ३:१-४:६
- पावल ताड फिलिप्पी दाल्जातिवा ४:१०-२०
- यिकी सिन्दा क्यावु ४:२१-२३

१ टसी देलेक! दी यिकी ति
खीष्ट येशूकी थोकला शब्द्यी
कितुप ड पावल ताड तिमोथी नेसुर
फिलिप्पीला बोतुप येशूला तेपा कितुप
मीतिवा तेरी ताड चर्चला गोमा कितुप
मीतिवा ताड चर्चला ल्हाटे कितुप
मीतिवाला टिबु यिनो। २दाकपी पपा
कोन्छ्योक ताड चोबो येशू खीष्ट
नेमा स्वियराङ्गला कटिन ताड लोदिमु
वुड्शी।

पावलकी फिलिप्पीतिवी थोकला मोपोर क्यावु

३नाम्साड स्वियराङ्गला टेन्दुप पेला
ड डे कोन्छ्योकला थुचिछे बुलिन।
४तमा स्वियराङ्ग तेरीकी थोकला ड
मोपोर कितुप पेला नरी कोन्छ्योकला
सेम गा क्यानी मोपोर कितिन।
५च्यिलासिसिन स्वियरा गोमाला येशू
खीष्टकी लेन ल्यामु थोबु पेला नेज्यु
तन्दा सेक ती लेन ल्यामु ख्याप्टाक
कितुपला ड ताड मुला दाल्जा किटे
क्यासुड। ६तमा स्वियरा मिजीला लाका
ल्यामु गो जुवु कोन्छ्योककी राड येशू
खीष्ट फेवु तुजे सेक स्वियरा मुला ज्युनी
ती लाका ति सिन्दा किवी सिरुप ति
डला तेपा वे।

७स्वियराङ्ग तेरीकी थोकला डे
दी नासाम तङ्गुप ति टेके यिन।
च्यिलासिसिन तसाम ड चोन्खाङ्गला
बोतुप पेला ताड चोन्खाङ्ग नेमा तेन्नी
लेन ल्यामु ख्याप्टाक कितुप ताड तीला
तेन्तेन कितुप पेला कोन्छ्योककी

नङ्गुप कटिनला स्वियरा ड ताड
मुला लाका क्यासुड। तुक क्यानी
स्वियराङ्गला नरी डे सेमला ज्याङ वे।
८येशू खीष्टकी सेम दोके स्वियराङ्ग
तेरीला ड छासे नासाम शर्नी ठेतुपला
गा लासुड। दी ताम्डे ति टेङ्ग्बु यिन।
तीकी थोकला कोन्छ्योक पङ्ग्बु वे।

९स्वियरा रिक्पा ताड ल्यामु मेलोवा
काड यिन सिरुप ति हाककोनी स्वियरा
डियड्ज्ये ति मड मड फेलिन डोशी
सिनी ड मोपोर कितिन। १०तुक
क्यानी चुका ताम्डे ति खक्ख्येवु यिन
ति स्वियरा बे थुप्शी। तमा खीष्ट फेवु
तुजे सेक स्वियराङ्ग क्येन मेतुप ताड
टेङ्ग्बु क्यानी दे थुप्शी। ११तमा येशू
खीष्ट नेमा बुङ्गुप टेङ्ग्बुकी स्वियरा
मिजीला डेलु गरुप दोके छाछिडी
च्युड्नी कोन्छ्योकला मोवा कितुप
ताड सोवा देकुप च्युड थुप्शी।

पावलकी छेटाड नेसुर लेन ल्यामु फेलुप

१२अच्युनुपतिवा, स्वियराङ्गला दी
ताम्डे ति ल्यामु हाककोशी सिरुप ति
डे नोवा वे। काड यिन सिसिन डला
छेटाड ख्येलुप तप्की राड लेन ल्यामु
ख्याप्टाक कितुप लाका मड च्युड्नी
वे। १३च्यिलासिसिन खीष्टकी कोर्ला
सुड ख्याप्टाक क्यावु तप्की ड
चोन्खाङ्गला शोरुप यिन सिरुप ति
रोमी ग्येल्खाङ्गला ज्हेन्दुप मक्मीतिवा
ताड यम्बा मीतिवा तेरीला छ्या वे।
१४ड चोन्खाङ्गला शोर्सिमा माङ्गशोक

तेपा कितुप अच्युनुपतिवा डार छ्येवु
गल्नी कोन्छ्योककी सुड डाडेड
क्यानी ख्याप्टाक क्यासुड।

१५ वुतुड के ललाइ अच्युनुपतिवा
ति ठतोक लानी खाँदा कियी सिरा
लेन ल्यामु ख्याप्टाक क्यासुड,
ललाइकी नासाम ल्यामो तड्नी
ख्रीष्टकी कोर्ला लेन ल्यामु ख्याप्टाक
क्यासुड। १६ नासाम ल्यामो तड्नी
लेन ल्यामु ख्याप्टाक कितुपतिवी
कोन्छ्योककी लेन ल्यामु झोकुपला
राड ड चोन्खाडला शोरुप यिन सिरुप
हाककोनी डियड्ज्ये लानी ख्याप्टाक
क्यासुड। १७ यिने ठतोक लानी खाँदा
कितुपतिवी डला चोन्खाडला मड
छेटाड ड्येशी नोनी सेम टेङ्गुबु क्यानी
मिन, यिने खोरो थोकला तिराड नासाम
ताड्नी ख्रीष्टकी कोर्ला ख्याप्टाक
क्यासुड। १८ काड यिन्सिनाड
खकछ्येवु ताम्डे ति दी यिन। तिवी
सेम टेङ्गुबुकी ख्याप्टाक क्यासिनाड,
सेम मेटेङ्गुबुकी क्यासिनाड ख्रीष्टकी
कोर्ला राड ख्याप्टाक क्यावु यिन।
तीकी थोकला ड छासे गा लानी वे।
तमा नरी गा कितिन। १९ च्यिलासिसिन
स्विरा क्यावु मोपोर ताड येशू ख्रीष्ट
नेमा वाबु थु चाङ्गमाकी दाल्जा क्यानी
ड दी चोन्खाड ने थर थुप्किवी सिरुप
ति डला छ्या वे। २० डे खकछ्येवुला
कि राड गोवु लाका ताड रेवा ति दी
यिन। ड नाम्साड डोछाला माख्येल्नी
छासे डाडेड ड्येनी शिसिनाड सेन्बु
वोसिनाड नरी दोके तन्दा साड डे

मिजी ति ख्रीष्टकी थोकला मोवा
कितुप डोशी।

२१ च्यिलासिसिन ड मिजी क्योड्गुप
ति ख्रीष्टकी थोकला यिन, तमा शेप
साड डे थोकला ख्येप्साड यिन।
२२ दोजो ड सेन्बु लुसिन ख्रीष्टकी
थोकला मड लाका ल्यामु कितुप
डिवी। यिने ड शिते सेन्बु लुकिते
चुका ति बे गोकिवी ती ति डला छ्या
मे। २३ तुक क्यानी ड काड कितुप
काड कितुप गल वे। डला याड
जम्बुलिड क्युर ज्याकनी ख्रीष्टकी
चिप्ला राड देतुप नो वे। डला ती
राड ल्यामु यिन। २४ यिन्सिनाड ड
ति स्विरा थोकला राड सेन्बु लु
गोकिवी। २५ दी ताम्डे ति तेन्तेन
हाककोनी ड सेन्बु देतिन। स्विराड
येशूला तेपा क्यानी येके डोप ताड
गा किशी सिनी ड स्विराड तेरीकी
मुला नरी देतिन। २६ तुक क्यानी ड
येलुड स्विरा ते वुड्गुप पेला स्विरा
डे थोकला येशू ख्रीष्टला मड सोवा
देक थुप्किवी।

२७ त खकछ्येवु ताम्डे ति दी राड
यिन, स्विरा मिजी ति ख्रीष्टकी लेन
ल्यामुला सुड्गुप दोके च्युड्शी।
तुक क्यानी ड स्विरा ते वोसिनाड
माडुसिनाड स्विराड सेम च्यिकपा
राड च्युड्नी डेकला देतुप ताड लेन
ल्यामुला वोतुप तेपाकी थोकला मुला
राड हुर्ताक क्यावु ति डे थो थुप्शी।
२८ तमा स्विराड रडगी डतिवी काड
क्यासिनाड जिवा माकी। तुक

क्यासिन स्थिरा डतिवा फम्बुप ताड स्थिराड ति दिक्पा ने थरुप त छ्या देन्निकी। ती थर्वा ति कोन्छ्योककी नडिगवी। २६च्चिलासिसिन स्थिराड ख्रीष्टला तेपा कितुप तिराड मिन, यिने खोकी थोकला दुक्पा साड खुर गोकिवी। तुक कितुप ति ख्रीष्टकी नडगुप कटिन यिन। ३०तमा डे कशेन दुक्पा खुरुप ति स्थिरा थोड वे। तन्दा साड ड ती दुक्पा राड खुरिन वोतुप ति स्थिरा थोनी वे, स्थिरा साड डे दोके राड क्यानी ती दुक्पा ति खुरिन वे।

ख्रीष्टकी दोके मिजी क्योडगुप

२ दोजो येशू ख्रीष्टला तेपा क्यासिमा स्थिरा मिजीला काड टोड्गु वोसिन, याङ्ना खोकी डियड्ज्येकी लोदिमु च्युड वोसिन, याङ्ना कोन्छ्योककी थु चाङ्माकी ओडला डिकजोम च्युड्नी तम्जी ल्यामु वोसिन, याङ्ना स्थिरा मिजीला मी यम्बी थोकला सेम ल्यामु ताड च्यम्बा वोसिन, २स्थिराड सेम च्यिक्पा राड च्युडगुप ताड डियड्ज्ये च्यिक्पा राड कितुप ताड नासाम च्यिक्पा राड तोडगुप ताड तेरी थिन्नी डला कशेन गा लोड। ३खोरो थोकला तिराड नासाम तोडगुप ताड अम्बारडिशड कितुप मिन, यिने कुसु ज्यम्बु क्यानी च्यिककी च्यिकला खुरुड सिनाड छ्ये यिन सिनी नो की। ४स्थिराड रडगी थोकला तिराड नासाम मातोड,

यिने मी यम्बी थोकला साड नासाम तोड। ५स्थिरा सेम ति येशू ख्रीष्टला वोतुप दोके वुड गोकिवी।

६खो ति कोन्छ्योककी जुजमला वोसिनाड

खो कोन्छ्योक ताड मुला च्यिक्पा राड यिन सिनी

खोकी ओड छोलुप नो माक्या, ७यिने तेरी क्युर ज्याक्नी लावाकी

जुजमला च्युड्नी

दाक्पु दोके क्यानी दी

जम्बुलिडला क्येसुड।

८तमा खोरुडला मो पाप्नी शि राड गोसिनाड

कोन्छ्योककी कला ड्येन्सुड।

तीकी तेन्दोक ति ग्याङ्गिशडला कल्नी टुडगुप यिन।

९ती तप्की कोन्छ्योककी खोला

छासे चोछ्ये जो नाङ्नी

तेरी सिनाड चोछ्ये वोतुप मिड ज्याड नाङ्सुड।

१०तुक क्यानी देवाच्येनला

वोतुपतिवा ताड

जम्बुलिडला वोतुपतिवा

ताड जम्बुलिडकी वोकला

वोतुपतिवा

तेरीकी येशूकी मिडला ताङ्देन कितुपला पुमुड जुकिवी।

११तमा पपा कोन्छ्योककी मोवाकी थोकला

तेरीकी ख नेमा येशू ख्रीष्ट राड

चोवो यिन सिनी

मी मिडगाला खलाड किवी।

जम्बुलिङ्गला कर्मा शरूप दोके च्युड्गुप कोर्ला

१२ ती तप्की डे डियड्ज्येवु
अच्युनुपतिवा, ड ख्यिरा मुला वोतुप
पेला ख्यिरा डे खला ड्येन्सुड।
ती दोके त ड मेतुप पेला मड डे
ताम्डे ड्येन्नी सेमला जियवा खुर्नी
कोन्छ्योकला ताङ्देन क्यानी खोरुड़
दिकपा ने थरुप लाका तेरी सिन्दा
कितुपला टेमु किसा। १३ च्यिलासिसिन
कोन्छ्योककी ख्यिराडला खोरे
नोवाला वोतुप दोके कितुप नासाम
तोड्गुप ताड ती दोके लाका कितुप
ओड नाङ्नी ख्यिरा मिजी नेमा लाका
कियी वे।

१४ तमा ख्यिराड काड किसिनाड
मुक्तम देन्तुप ताड खाँदा माक्यानी
किसा। १५ तुक क्यासिन ख्यिराड
क्येन मेतुप ताड टेड्बु च्युड्नी
सुकर्योकपा ताड ख्यम गलुप मीतिवी
पर्ला मडी मेतुप कोन्छ्योककी गिपा
च्युड्गिवी। तमा ख्यिराड कर्मा शरूप
दोके वो ग्यकिवी। १६ मिजीकी सुडला
ख्यिराड रम्बु क्यानी देता, तमा डे
लाका ताड हुर्ताक क्यावु ति तेर्मला
मोडोवी। तुक क्यासिन खीष्ट फेवु
तुजेला ख्यिराड को छ्येवु तप्की डे
सेमला छासे गा लड्गिवी। १७ ख्यिरा
कोन्छ्योकला तेपा क्यावु ताड
शब्ज्यी क्यावु ति जिन्बा बुलुप दोके
राड यिन। ती जिन्बाकी थोकला ड
शि राड गोसिनाड शि थुप्किवी। तमा

ख्यिराड तेरीकी मुला ड छासे गा
कितिन। १८ तुक राड क्यानी ख्यिराड
साड ड ताड मुला राड छासे गा कि
गोकिवी।

तिमोथी ताड इपाफ्रोडिटसकी कोर्ला ताम्डे क्यावु

१९ येशु ख्रीष्टकी नोवा बोसिन
तिमोथीला डमु राड ख्यिरा ते
तोड्गुप्नो। तुक क्यासिन ख्यिरा
लेन थोनी डला गा लड्गिवी।
२० च्यिलासिसिन तिमोथी दोके सेम
टेड्बु क्यानी ख्यिरा थोकला पप
कितुप मी ति डे मुला सु साड मे।
२१ मी यम्बातिवा याड येशु ख्रीष्टला
मिन, यिने खोरो थोकला तिगड नासाम
तोड्गिगनोक। २२ यिने तिमोथी खोड्तर्मु
वोतुप ति ख्यिराडला साड छ्या वे।
तीकी चुक क्यानी पुज्युडकी पपाला
शब्ज्यी किवे, तुक राड क्यानी ड ताड
मुला लेन ल्यामु ख्याप्टाक कितुपला
दाल्जा क्यासुड। २३ तुक क्यानी डला
चोन्खाड नेमा पि तोड्गुप मोतोड्गुप
तेन्तेन च्युड्लुड्मे तिमोथीला ख्यिरा ते
तोड्गुप नो क्या वे। २४ चोवो येशूकी
नोवा बोसिन ड साड डमु राड ख्यिरा ते
बुड थुप्शी सिनी चोवो कोन्छ्योकला
रेवा क्या वे।

२५ डे नासामला इपाफ्रोडिटसला
ख्यिरा ते तोड गोवु डे थोड्सुड। ती ति
डे नुप दोके क्यानी डे मुला राड लाका
क्यासुड, तमा लेन ल्यामु ख्याप्टाक
कितुपला थमु ग्यकुप मक्मी दोके

च्युड़सुड। तीकी स्थिरा लेन ति डला खुर्नी लेसुड, ती ति डला दाल्जा कितुप थोकला स्थिरा डे ते तड़गुप यिन। २६च्यिलासिसिन तीकी स्थिराड तेरीला छासे ठेतुप नोकिनोक। तमा ती अमोछ्योवु हाककोनी स्थिराड तीकी थोकला सेम्दुक क्यावु थोसिमा ती ति मड यर्मिन मर्मिन गालसुड। २७वुतुड के ती ति च्येती नासुड, यिन्सिनाड कोन्छ्योककी तीला च्यम्बा नाड़सुड। तीला तिराड मिन, डला पप लावु खला साड पप मलाड्शी सिनी कोन्छ्योककी च्यम्बा नाड़सुड। २८ती तप्की तीला स्थिराड ते तोड़गुप डला छासे नो वे। तीकी तेन्दोक ति तीला थोडिसमा स्थिराड गा किवी। तमा डला साड पप अला मलाड्गवी। २९चोवोकी मिडला तीला छासे गा क्यानी गासो शुसा। तमा तुका मीतिवाला ताड़देन किसा। ३०च्यिलासिसिन तीकी ख्रीष्टकी थोकला शि राड गोसिनाड लाका क्यासुड, तमा डे थोकला स्थिरा कि मुथुपु शब्ज्यी कितुपला तो मिसिन शिसुड।

जुला कितुप लुकसुला तेपा माकी

३ अच्युनुपतिवा, तिड्मी ताम्डे यम्बा ति काड यिन सिसिन स्थिराड चोवोला तेपा क्यावु मी यिन्दुप तप्की सेम गा की। दी यिकी लोकुर ग्यप्नी टिकुपला डला छेरा मलड्गवी, ती ति स्थिराडला

ज्होकुपला यिन। २फेतुप की दोके क्यानी थमु ग्यकुप ताड लाका दुकटा कितुप ताड दिक्पा ने थरुपला जुला च्येतुप लुकसु कि राड गोकिवी सिरुप मीतिवा नेसुर च्याड्से देता। ३दाक्पु ति कोन्छ्योककी थोड्दाडला वुतुड के च्येतुप लुकसु क्यावु मीतिवा यिन। च्यिलासिसिन दाक्पु याड कोन्छ्योककी थु चाड्मा नेमा खोला सोवा देकिवी, तमा येशू ख्रीष्टला तेपा क्यानी तेके किवी, जुला तिराड कितुप लुकसुला ति तेपा मिकिवी। ४ताम्डे कितुप यिन्सिन, ड साड तुका जुकी ताम्डेतिवाला तेपा कि थुप्किवी। दोजो मी ललाइकी जम्बुलिडंकी लुकसुतिवाला तेपा किवी सिसिन ड याड मड ती ताम्डे कि थुप्किवी। ५ड क्येवु डियमा ग्येला यहूदी च्येतुप लुकसु क्यावु यिन, तमा ड इसाएलकी मी यिन, तमा बिन्यमिन गिपाकी मी यिन, तमा वुतुड के हिबू मी यिन, तमा यहूदी ठिमकी कोर्ला सि गोवु यिन्सिन ड फरिसी यिन, ६तमा टेमुकी कोर्ला सि गोवु यिन्सिन येश्ला तेपा कितुप मीतिवाला डे छेटाड बिन्दुप यिन, तमा यहूदी ठिमला वोतुप टेड्बुकी कोर्ला सि गोवु यिन्सिन ड ति क्येम मेतुप मी यिन।

७यिने ती तेरी ताम्डेतिवा डे थोकला र्खेप्साड वोतुप यिन्सिनाड ती ताम्डेतिवा तन्दा ख्रीष्टकी थोकला तेरी काड साड मिन सिनी ड नासाम तोड्यन। ८तोजो तिराड मिन, चोवो

येशू ख्रीष्टला डो शेवु ति तेरी सिनाड खकछ्येवु यिन्दुप तप्की यम्बा तेरी ताम्डेतिवा कुन यिन्दुप ति डे हाककोसुड। तमा ख्रीष्टकी थोकला तेरी ताम्डेतिवा क्युर्ना ज्याकिन। तमा ती ताम्डेतिवा तेरी ज्यरा ज्यिरा दोके यिन सिनी नोक्यायी। तुक क्यानी डे येशू ख्रीष्टला ड्ये थुप्शी, ६तमा खो ताड मुला च्यिकपा राड च्युड थुप्शी। येलुड ठिमला तेन्नी टेङ्बु यिन सिनी ड नो मिकी, यिने तन्दा येशू ख्रीष्टला तेपा क्यासिमा वुङ्गुप ति वुतुड के टेङ्बु यिन। ती ति येशूला तेपा क्यासिमा कोन्छ्योक नेमा वुङ्गुप टेङ्बु यिन। १० डला गोवु तेरी ताम्डेतिवा ति दी यिन, ख्रीष्टला डो शेवु ताड खो टुङ्गी डोसु लावु ओड ति हाककोवु ताड खोकी दाकपी थोकला दुक्पा खुरुप दोके डे साड खोकी थोकला शि राड गोसिनाड शि थुप्शी। ११ तमा च्युडिसन ड शिसिमा शेप ने सेन्बु लड थुप्शी।

छ्यक्तक थोपुपला छ्योड्बाल ग्यपुपकी थोकला

१२ ती तेरी ताम्डेतिवा डे गोमाला के ड्येनी वे सिनी सिक्यावु मिन, ती ताम्डेतिवा तन्दा तेरी च्युड वे सिक्यावु साड मिन, यिने येशू ख्रीष्टकी डला खोरो ति जो नड्सुड। ती तप्की ड ख्रीष्ट दोके मिजी क्योड थुपुपला छ्योड्बाल ग्यप्नी डोयी वे। १३ ओ अच्युनुपतिवा, डला तन्दा साड ती थोप्नी वे सिनी नो मिकी, यिने ड लाका

च्यिक ति कितिन। ती ति काड यिन सिसिन गोमी ताम्डेतिवा क्युर ज्याक्नी तिङ्ला वुङ्गुप १४ येशू ख्रीष्ट नेमा कोन्छ्योककी देवाच्येन नेसुर डला कताड नड्गुप छ्यक्तक थोपुपला ड कशेन छ्योड्बाल ग्यप्नी डोयी वे।

१५ तमा दाक्पु तेपा क्यानी रम्बु वोतुप मीतिवा तेरीकी तुकै नासाम तोड गोक्किवी। दोजो ललाइ मीतिवी नासाम ति कुतुक कुतुक वोसुड सिसिन ती ति कोन्छ्योककी ख्यिराडला ठछ्येली छ्या देनिवी। १६ काड यिन्सिनाड दाक्पु दे सेक लेप्नी वे, तीला राड रम्बु क्यानी मिजी क्योड्गुप।

१७ अच्युनुपतिवा, डे काड क्यावे, ख्यिरा साड तुकै राड नरी लुमु से। तमा ड्यिरा मिजी नेसुर छ्या तेन्दुप दोके क्यानी मिजी क्योड्गुप यम्बा मीतिवाला लहानी लोपा। १८ ख्यिराडला डे गोमाला थेड्मा बडी सिक्यायी, त येलुड ड डुयी सिरा सिरिन। काड यिन सिसिन मीतिवा बडी ख्रीष्ट येशूकी ग्यडिशडकी थोकला डला गल्नी युक्किवी। १९ तिवा डोप लाम ति ड्येलाला ना डोप यिन। च्यिलासिसिन तिवा कोन्छ्योकला मिन, साप ताड थुङ्गुपकी थोकला तिराड सेम नोजु किक्की। तिवी खोपे क्यावु लाकातिवाला छासे ल्यामु यिन सिनी सिवी, यिने तिवी क्यावु लाका ति डोछा लोङ्गुप लाका यिन। तिवी जम्बुलिडकी च्यालकतिवाला तिराड नासाम तोडिग्गवी। २० यिने दाक्पु याड-

देवाच्येनला वोतुप कोन्छ्योककी ग्येल्खापकी मीतिवा यिन। तमा दाक्पुला दिक्पा ने थर जितुपला देवाच्येन नेमा फेपुप येशू खीष्टला राड दाक्पु छासे गुनी देन वे। २१ खोकी डारकी राड जम्बुलिङ्गला वोतुप तेरी च्यालकतिवा खोकी ओडला ज्योक थुप्किवी। तमा खोकी ओड नेमा राड दाक्पी रुलुप जु ति खोकी मोवाला वोतुप जु दोके सम्बा फो जियकिवी।

४ तुक क्यानी अच्युनुपतिवा, डु ख्यिराडला डियड्ज्ये लानी नम पेला ठेतुप सिनी नासाम शर्किनोक। तमा ख्यिराडला नासाम तोड्गुप पेला डु छासे गा लानी मीतिवाला ख्यिरा कोला तेके कितिन। डु डियड्ज्येवु अच्युनुपतिवा, ख्यिराड तुक राड क्यानी चोवो येशूला तेपा रम्बु क्यानी देता।

पावलकी टोड्गु

२ इयोदिया ताड सुन्तुखेला डु छासे क्यानी गोड्बा शोयिन, ख्यिराड डियकर चोवोकी मीतिवा यिन्दुप तप्की थिन्नी देता। ३ डु ताड मुला लाका ल्यामु कितुप दाल्जो, डु ख्युरुडला साड सिरिन। ती आम्पुमतिवाला दाल्जा किटे किसा। च्यिलासिसिन डु लेन ल्यामु ख्याप्टाक कितुप पेला तिवी क्लेमेस ताड डु मुला वोतुप यम्बा दाल्जातिवी मुला लाका टेमु क्यासुड। तमा कोन्छ्योककी तिवी मिड ति खोकी मिजीकी थेप नाड्ला टि वे।

४ चोवो येशू ख्यिरा मुला ज्युवु तप्की ख्यिराड नरी सेम गा किसा। डु येलुड सिरिन, ख्यिराड सेम गा किसा। **५** ख्यिराड च्यड्च्यु सेम्बा वोतुप ति तेरी मीतिवाला छ्या तेन। नासाम तोडा, चोवो डमु राड फेपिन वोतो। **६** ख्यिराड काड साड पप माकी, यिने मोपोर कितुप पेला कोन्छ्योकला थुचिछे पुल्नी ख्यिराडला गोवु तेरी ताम्डेकी थोकला खोला गोड्बा शु। **७** तुक क्यासिन मी नासाम तड्गुप सिनाड ल्हक्पा वोतुप कोन्छ्योककी लोदिमुकी ख्यिरा सेम ताड नासाम ति येशू खीष्टकी ओड नेसुर ज्होकितो।

८ तेरी सिनाड तिड्ला अच्युनुपतिवा, चुका ताम्डे ति टेड्बु नोके, चुका ताम्डेला ताड्देन कि गोवु नोके, चुका ताम्डे टेके नोके, चुका ताम्डे ति क्येन मेतुप नोके, चुका ताम्डे ति डियड्ज्येवु नोके, चुका ताम्डे ति चिताड कि गोवु नोके, तीला राड नासाम तोड। दोजो ललाइ छ्ये ताड टेन छ्योवु वोसिन ती ताम्डे ति ल्यामु नासाम तोडा। **९** ख्यिरा चुका ताम्डे ति डु नेसुर लाप्वे, चुका ताम्डे ति सेमला लावे, चुका ताम्डे ति डु ख नेमा थोवे, चुका ताम्डे ति डु मिजीला थोड्वे, ती दोके राड की। तमा लोदिमु नड्गुप कोन्छ्योक ख्यिरा मुला ज्युकितो।

बुल्वाकी थोकला थुचिछे पुलुप

१० डियमा चेयी ज्युकला येलुड ख्यिरा डला ड्याम क्यावु थोड्नी चोवो येशू

नेसुर ड छासे गा लानी वे। वुतुड के स्विरा डे थोकला पप किनोक, यिने स्विरा डला दाल्जा कितुप छलिसिनाड तुजे माच्युड्नोक। ११ कतुकारला ख्येलसुड सिनी डे किदुक शेतुप मिन, यिने चो पेला साड लोदिमु कि गोकिवी सिरुप ति डे लापिन। १२ डे लोला बडी बोसिनाड मेसिनाड, चुक क्यानी मिजी क्योड गोकिवी सिरुप ति डला छ्या वे। डावु पेला ताड ल्होवा कोम्बाला ताड, बडी बोतुप पेला ताड कतुकारला ख्येलुप पेला ताड, चो पेला साड लोदिमुला देतुप ति डे लापिन। १३ च्यिलासिसिन ख्रीष्टकी नड्गुप डार नेसुर राड ड तेरी ताम्डे कि थुप्किवी। १४ यिन्सिनाड डला छेटाड ख्येलुप पेला स्विराड डे मुला राड दुकपा खुर्ट क्यानी छासे ल्यामु क्यासुड।

१५ थल्माला लेन ल्यामु ख्याप्टाक कितुपला ड माकेडोनिया नेसुर क्येनी डोप पेला स्विरा मिसिन यम्बा चर्चकी मीतिवा सी साड डला दाल्जा किटे माक्या। ती ताम्डे ति स्विराड फिलिप्पीतिवाला साड छ्या वे। १६ स्विरा याड ड थेसलोनिकेला बोतुप पेला साड थेड्मा च्यिक चोयी ड्यी चोयी डे थोकला दाल्जा किटे क्यासुड।

१७ डला बुल्वा गोकिवी सिक्यावु मिन, यिने कोन्छ्योककी स्विराडला मोलाम नड्गुप ति ल्हाप नोनी डे ती ताम्डे सिक्यावु यिन। १८ स्विरा इपाफ्रोडिटसला कल्नी तड्गुप बुल्वा ति डे लकला ख्येलसुड। ती बुल्वातिवा डे थोप गोवु सिनाड मड यिन। ती ति टी जड्बु खाप पो दोके ताड कोन्छ्योकला गा लड्गुप ताड खोकी सेमला डोप जिन्बा दोके यिन। १९ डे कोन्छ्योककी खोरे मोवाला बोतुप ग्यकचेकी टोड्बा ति येशू ख्रीष्ट नेमा स्विराडला ख्येलुप कतुकारतिवा तेरी डुप ज्यिकिवी। २० त याड दाकपी पपा कोन्छ्योकला नरीकी नरी मोवा बुड्शी। आमिन।

पावलकी तिड्मी टसी देलेक

२१ येशू ख्रीष्टला तेपा कितुपतिवा तेरीला टसी देलेक वे सिनी सिसा। डे मुला बोतुप नुपतिवी साड स्विराडला टसी देलेक सिनी तड वोतो। २२ दे वोतुप येशू ख्रीष्टला तेपा कितुप मीतिवा तेरी ताड खक्छ्येवुला रोमी ग्येल्वी ग्येल्खाडकी मीतिवी साड स्विराडला टसी देलेक सिनी तड वोतो। २३ चोवो येशू ख्रीष्टकी कटिन ति स्विरा सेमला बुड्शी।

